

摘藻堂四庫全書薈要

集部

欽定四庫全書薈要

集部

御選元詩卷二十六

詳校官原任主事臣李斯咏

欽定四庫全書薈要卷一萬八千四百三十八集部

御選元詩卷二十六

七言古詩三

滕斌

贈弓秋蟾

瓊花十里小樓紅  
醉吞牛斗眠長虹  
十年四海分萍蓬  
一笑邂逅滕王洪  
牀頭回首黃金空  
但覺耿耿盤心胸  
問蟾何不歸蟾宮  
自有老月留身中  
誰受一粒金丹紅

學得紙上畫墨龍白晝呼吸風雲從頃刻霧暗天濛濛  
妙處巧奪造化工不復知有陳所翁君不見金陵壁上  
不點瞳點瞳霹靂驚江東我欲煩君具毫楮畫一小龍  
回顧毋普令天下生孝心不向江湖長驗雨

碩裕實哈雅

岳陽樓

西風吹我登斯樓  
釵光影動乾坤浮  
青山對客有餘瘦  
遊子思君無限愁  
昨夜漁歌動湖末  
一分天地十分秋

桃花巖 并序

白兆山桃花巖太白有詩近人建長庚書院來京  
師時中書平章白雲相其成求詩於詞林臣李秋  
谷程雪樓陳北山元復初趙子昂張希孟與僕同  
賦

美人一別三千年思美人兮在我前桃花染雨入白兆  
信知塵世逃神仙空山亭亭伴朝暮老樹悲啼發紅霧  
為誰化作神仙區十丈風煙挂淮浦暖翠流香春自活

手撚殘霞皆細末幾回雲外落清歡美人天上騎丹鶴  
神遊八極棲此山流水杳然心自閒解劍狂歌一壺外  
知有洞府無人間酒酣仰天呼太白眼空四海無纖物  
明月滿山招斷魂春風何處求顏色

曹元用

李白酒樓

太白一去不復留任城上有崔巍樓樓頭四望渺無際  
草木黃落悲清秋鳬嶧插天摩翠壁汶泗迢迢展空碧

爭奇獻秀百年態作意隨人來几席諸老高會秋雲端  
金壁照耀青琅玕談笑不為禮法窘酒杯更比乾坤寬  
飲酣意氣橫今古玉山傾倒忘賓主謫仙人去杳何許  
異代同符吾與汝誰能跨海為一呼八表神遊共豪舉

元明善

介春堂

真常真人若冰雪大年夜食清溪月誰知袖裏閔初陽  
散作元元春滿堂髯龍宵吼石壇秋老竹風生翻陸江

天籟已沈羣妙集隱几嗒然今坐忘雲局不鑰瞰虛白  
揮謝萬象俱行客

張養浩

遊香山

山行彌日山益奇亂峰挾翠如吾隨遊人聯蟻度林杪  
細路一線雲間垂茫然四顧動心魄嵐光蕩秀浮雙眉  
路迴寶剎忽風隨大鵬九萬離天池林煙媚景翳復吐  
欲見不見神護持松藏雷雨太陰黑泉迸巖藪銀虹馳



我來青帝已迴馭太古殘雪猶離離一聲啼鴉百花落  
兩崖紅雨春淋漓笑驅虎豹坐盤礴悠悠萬古歸支頤  
須臾興盡下寥廓長風又送雲邊詩蓬萊兜率杳何處  
無乃造物移於斯往年夢裏記曾到先聲已為猿鶴知  
惜無奇語勒丹壁坐令清賞成絕癡斜陽忽將暝色至  
山靈應怪歸鞍遲人間勝事忌多取毋使樂極還生悲

過長春宮

往年嘗夢蓬萊宮三山鼇背搖虛空滄溟俯視一衣帶

銀河鼓浪來天風茲遊良不異疇昔半日惝恍迷西東  
平生頗似有仙分足跡未到神先通層樓複觀此誰構  
只疑天巧非人工繞簷松影黑於海步驚棲鶴翔雲中  
西山亦喜得佳客巍我相向如爭功遼金興廢渺何許  
今人一笑憐雞蟲須臾徧歷至方丈壺酒盤果羅青紅  
心清已覺破煩暑左右況復扇兩童道人見我樂幽勝  
故為留戀談無窮鼎鑪百沸失膏火風水萬里忘萍蓬  
默求詩句為相答半醉揮出毫端虹煙雲滿室動鬼神

不但為彼開盲聾笑談人境兩相稱此會詎與尋常同  
却愁歸去到塵世又隨俗迹隨樊籠

西巖醉筆

興來放步白雲嶺海闊天高異人境亂山萬馬東南馳  
只恐郊原碎俄頃乾坤誰管白鳥閑今古空餘野煙冷  
何當結屋最上頭擺脫塵紛事幽屏

田衍

分韻

清明與省郎毛潛夫杜孝先周內翰景遠元樞密  
復初儒生虞德生會飲分韻得復字呈秋泉功遠

二仙伯

冠袍裹身厭拘束惜春只覺光陰蹙雪融波面綠痕添  
風著花枝亂紅蕖杜陵才子本茅屋十年省署叨粟肉  
撿芝番香白晝晴時尋勝友相追逐毛君古丈夫內翰  
五車讀元子真英豪文華過潘陸德生味道腴閉門樂  
幽獨漫郎潦倒雙髯禿志在酒船三百斛相逢一笑宇

宙間羽觴未盡還再復醉中更約二仙人共訪赤松參  
辟穀

曹伯啓

休日陪漢陽諸名流登秋興亭觴咏移時塵慮  
頓息但以不得會仲通為慊因綴長句呈欽夫  
僉司士元太守君平察推仲通宰公暨座中諸  
友

散材生世元無堪強持陋質偕梗楠年餘耳順雪垂領

誤承任使來江南公庭日午了官事西州散步成奇探  
歲寒亭樹發秋興名公齒序相朝參鴛鴦梅梢綻蓓蕾  
鳳凰山頂飛晴嵐江水朝宗淨拖練湖光照影清揉藍  
旅鴈書空度荆楚浮雲護日橫湘潭蒼茫宇宙一俯仰  
形役道路何癡憨移尊偉觀排小酌紫霞潋灩堆紅柑  
人生擾擾有今日座客云云無俗談長安富兒不識字  
但能几案羅肥甘眼中梵刹如比櫛焉知曉事無瞿曇  
知音更有驄馬客威稜坐可懲姦貪山邊聖人惡旨酒

禹廟在側故云

望之不敢成醺酣一襟清興豈終極催歸黃帽  
牽羸驂漁歌悠揚風色暝人影散亂波光涵船開棹進  
一迴顧恩恩欠到王公菴

陪諸公杖履登梁王吹臺悠悠悼古之情不能  
自己呈孟子周子文二友

天宇廓然秋已暮幽人欲作登高賦聯鑣沽酒上繁臺  
千古興亡一回顧百鳥喧啾塔丰推荆榛掩映臺前路  
黃花采采未成歡目斷荒城起煙霧

乙卯清明沅州郊行

信馬沅江江上路歷覽芳菲忘故步因逢古廟說前朝  
忽見孤舟橫野渡二難恨識十年遲四美豈期今日具  
人生能得幾清明莫對殘陽怨遲暮

盧亘

題張國綱理問塞河詩卷

導河積石堯舜憂滔天之水成安流何年決齧半南土  
清淮怒卷黃雲愁宣房既築漢歌喜越巫抱璧神光起



害除梁楚二渠成海溢西南九河駛後來羣策知誰賢  
何人捧土能防川彭城樓堞照黃土河平堰石愁金天  
吾皇放勲超萬古澤世餘功平水土睢陽塞決付賢侯  
解變狂瀾作安堵於今此功寧復有從容小試經綸手  
千年遺愛在邦民春風吹水濃如酒

送李應中檢校江西

故人昔御南風來今年便逐輕鴻去短亭古堠不記人  
依舊青天覆長路馬鳴日落風蕭蕭九月飛霜摧柳條

出門相顧仰天笑  
胸中直氣干雲霄  
莫恨江山連百越  
自有清游醒詩骨  
都将萬事付無心  
徐孺亭前釣秋月

題金顯宗墨竹

天人賦物如天工  
墨光洒竹回天容  
千年勁玉寒不死  
清波照響悲吟龍  
煙凝草綠承華殿  
鬼冷秋霜月如練  
長毫寫影竹不知  
子夜歌殘空記面  
春雲一散風吹塵  
茫茫海色翻青鱗  
金仙淚痕愁漢月  
尚憐玉軸隨時新  
夢跨茅龍上天去  
女媧補天天不語  
海綃畫鸞生翠羽

踏破銀灣溼河鼓射龍江深春不度風色蕭蕭怨千古  
行盧溝之南書所見

幽薊忽如九天上俯視左右分秦齊萬里南來太行遠  
蒼龍北峙飛雲低岡回一崦花柳暗川平百里風煙迷  
丈夫出門自有樂人生何必常栖栖

九月十日接駕回因遊香山寺飲於西屋之上  
酒酣呈主人

迎鑾北去迷風沙看山西來走煙霞蒼山朝含太古色

長松百尺凌雲斜傑觀重樓炫金碧笑拍闌干倚天立  
出門却得望東山紅樹青林亂秋色痛飲巖屋鯨吸川  
徑欲醉倒秋風前但恨浮雲蔽白日使我不得瞻青天  
忽忽今年負重九樹老山空復何有莫將身世媿淵明  
縱有黃花無此酒

李溥光

題平陽龍神張誠叔別業長歌

始山之東山之隅龍神風物美且都泉清樹茂田膏腴

中有太古仙民居云是仙人之故廬龜趺十字存遺墟  
右岡左林跨修途前潭後阜開畫圖柳居竹塢當門閭  
藥畦花圃相縈紆三間茅屋藏堪輿延賓有齋爨有厨  
壁間懸琴架積書文楸在榻酒在壺棣花春風歡友于  
紫蘭芝草羅庭除田蠶春磴賈陶漁牛羊騾馬雞豚鳧  
絲麻委婢耕委奴歲時足以供百需打門未始驚吏胥  
繞屋時聞幽鳥呼主人況乃非世儒王門嬾曳鄒枚裾  
胸中素有廊廟謨冥鴻未可世網拘振衣歸來弗躊躇

青鞵布襪竹杖扶南窗寄傲忘居諸一觴一咏日自娛  
高情澹澹寄太虛出岫野雲同卷舒寬兮綽兮短不踰  
優哉游哉樂有餘人間有此安養區輞川盤中未必如  
平生我亦山澤癯所經佳勝神與俱田園之樂獨讓渠  
知君之樂孰若吾

孟渾

過浮雲宿七尺

山雲連客歲晚行小雨遽止雪不成陰霾漸開日隱見

軋軋荀輿和澗聲谷中青煙一縷起忽散無迹旋復生  
上嶺下嶺頗費脚草徑犖确仍斜橫千林葉盡百草瘁  
喬松勁竹吾同盟野梅解后亦數數雪色風香相送迎  
路無里堠界遠近晨行暮止那記程田家團圞地爐煖  
新醅旋潑肥雞烹泛舟溪上豈不樂吾獨何為無此情

任士林

送徐春野

并序

往年徐春野來綜吾州吏事朔風裘馬意氣偉甚

今紫髯飛雪告父老以去人貧以仕君仕而貧吾  
不知人事竟何如也其所遊松鄉任某歌以送之  
昨日之酒月滿樓今日之酒月滿舟三十度月月圓缺  
期君看月丹山頭君攜月色錢塘去我有濁酒誰為酬  
功名一紙政復爾歲月兩髯歸來休柳橋久負秋夜笛  
花鬢老憶春風喉鵬雲正南眼歷歷鯤海未運天悠悠  
雄雞一聲騎當發男兒頂上簪公侯

李唐春牧圖



春氣薰人未耕作江草青青牛齒白牛飢草細隨意嚼  
老翁屈膝睡亦著蓬頭不記笠拋却午樹當風夢搖落  
夢裏牛繩猶在握昨夜困頭牛食薄

馬祖常

題惠崇畫

龍門千尺梧桐樹多在石崖懸絕處上有古巢生鳳凰  
鳳凰臺高山水長吳蠶八繭白雲絲畫史落筆光陸離  
江天萬里莫射雁春草年年出湖岸

淮安路池山

淮浦蒲花秋渺渺，淮岬楊花春裊裊。  
白魚初下酒船來，十里風煙隔飛鳥。  
吾生欲向淮安居，更聞池山好田廬。  
濯足滄浪箕踞坐，不問朝家求聘車。

寄鄉友

河邊老父念我出，遠寄京華書一行。  
謂言白髮今多少，又報南園竹樹荒。  
門前石田耕秫熟，犢子新生走如鹿。  
莫戀官家有俸錢，長年作客身如束。

上京書懷

燕子泥融蘭葉短  
疊疊荷錢水初滿  
人家時節近端陽  
繡被羅衫雙佩光  
共笑江南五雜組  
畫鷁浮波供角黍  
沙苑射柳追風駒  
古來北地為名區

息齋風竹圖道士華山隱得之命余賦之

往年家住篋簾谷  
丹鸞之實美如粟  
元雲翻空下深靚  
昆吾寶刀削秋玉  
石衣漬錦侵書光  
風微粉墮生細香  
琳館瑤臺九天近  
夜寒笙磬聲鏘鏘  
萬斛蒼煙鬱江雨

二妃彈瑟瀟湘浦  
郢筍蜀酒亦堪酤  
蟠石雙杖令誰取  
河朔歲晏冰為梁  
羣木鱗皴臨雪霜  
遲汝狂飈莫吹裂  
截管他年侑帝觴

秋意

銀牀墜露下高桐  
竹練含冰留麝籠  
蒲萄酒作瑪瑙紅  
湘娥江邊采芙蓉  
月華流影天漢東  
素商淒清颺微風  
草根知秋有鳴蛩

寄家書

春雲閣雨花泥少池上波平飛白鳥  
薊中河外盡天涯  
蓮葉圓時身到家

貢奎

贈送蒙古字周教授

周宣石鼓久剝落浮雲變化字迹訛  
八分小篆亦已廢  
紛紛行草何其多  
洪惟盛世自作古制書勒石傳不磨  
知君達時尚所學落筆星斗光  
森羅蒙恩千里領教職  
養育多士培菁莪諧音正譯妙簡絕窮究根本芟繁柯

牙籤玉軸點畫整照耀後世推名科愧予鄙俚事章句  
儒冠多誤將如何

將過池陽留別諸叔兄弟諸友人二首

拍手唱歌莫放狂舉觴飲酒莫令醉歌聲出口難為情  
酒味入腸化為淚男兒書劍從此始歲晚煙江片帆起  
相如題柱過長安靖節辭官歸栗里人生窮達固有時  
我輩行藏得其理沙頭執別意如何莫對酒莫聽歌我  
折梅花君折柳明日天涯愧奔走世路茫茫重回首

有耳不聽陽關詞有口不飲長沙酒丈夫肯作兒女情  
對酒悲歌惜分手天荒地久歲云暮飛霜急霰勢欲走  
丘巒奔摧山月隨鯨鯢翻波江水破江水萬里從天來  
長風日夜千帆過皇英二女今遼絕太白千年古離別  
往者不可追浮生何足悲君不見延平風雷起一夕神  
劍會合當有時

贈任丹碧鍊師

火雲壓峰斜日明下照百尺清溪橫丹葩碧樹光爛爍

妙筆可作詩無聲買田築屋者誰子江海欲歸吾老矣  
袖中豈無千世書當年曾說黃冠師

贈張姓

張家女兒八歲餘手把椽筆誇能書翠眉玉貌畫不如  
一朝獻藝承明廬風雲會合冠佩集當面濡毫翻墨汁  
弱身窈窕纔過膝步腕迴旋萬鈞力怒鯨橫海枯樹立  
震空忽隨顛崖石功成直與造化俱歛見聲名起京邑  
紫裘蒙茸年少兒寶刀瓊帶羊角觿平生一字不到眼



對此悄然顏色赧君不見蔡文姬班婕妤風流文采絕  
代無吁嗟陶家五男子總令紙筆為荒蕪

無題

空房獨卧風夜號孤燈垂燼光影搖舊語已逐香塵消  
玉琴瑤珥應自玩巧計却愛蛛絲嬌

高侯畫桑落洲望廬山

楚江浩浩山礧礧澹然粉墨凝冰綃直峰橫嶺藏曲折  
筆力巧處疑鐫雕高堂淨如拭坐覺風蕭騷暮雲春樹

隱復見人家半落滄洲遙中有隱者居平生不受東林  
招日夜千帆萬柁過未已誰肯拂袖同寂寥我愛高侯  
得天趣所見歷歷窮秋毫米家父子稱好手率意尚復  
遭譏嘲靈機直恐神鬼設變態叵測魚龍驕玉峽飛孤  
泉香爐障層霄自憐失脚行萬里微官羈繫何由逃焚  
香沽酒靜相對長日令人愁恨消

袁伯長虞伯生約重賦次其韻

長江西來生遠洲極目疑作人間秋奇峰列筍拔地起

晴嵐積翠凌空浮當時懷抱真快事笑撥短棹隨鳬鷗  
乘清弄影歌窈窕洗淨萬斛黃塵愁風濤激岸石欲裂  
日月出海雲還收別來閒身隨羈束撫手歎惜年光流  
高侯胸中蟠景槩落筆肯為仙翁留神工超出八極表  
下視海岳如浮漚至人不遣魂作夢咫尺足窮追搜  
我愛題詩招靖節況有二子鳴相酬便當開尊醉其下  
髣髴領畧為黿頭蒼煙歷歷辨廬屋丹樹眈眈明林丘  
安得高侯數相見添寫一葉南歸舟

除日登大巖山

大巖顒顒昂衆峰長年秀色摩蒼穹中峰獨高勢最雄  
支牽脈貫相附庸朝宿大明滄海東岫雲勃鬱凝青紅  
懸崖萬仞寒潭空下有晴雪生喬松形勞膽怯望莫窮  
但覺一氣浮鴻濛松推雪凍藏蟄龍峰顛鎮以龍王宮  
擁潭出雲如白虹妖魃却走年穰豐南村北崦篁樹叢  
喧招巫覡撾鼓鍾苔荒怪石低復崇嵌空欲隨疑神功  
直者覆釜橫列墉森布兵戟羅羣童盤迴絕頂路杳通

扳藤舉膝撐心胸嗟余北遊覽岱宗太行西來連華崧  
浮生萬里隨飛蓬夢寐豈與當時同虎行草偃吹烈風  
苦寒側翅號冥鴻麻姑敬亭知幾重李謝空復遺塵蹤  
悲來狂呼赤鯁公五湖煙波駕孤蓬

贈楊生

生能琢研

余聞江東之山出新安千峰萬嶺龍屈蟠黃山崔嵬九  
華對雄雌時作風雨會中藏龍尾氣清淑山骨稜層石  
如玉六丁呵護雲氣漫不知何年鑿深谷南唐綠研膚

起鱗手摩潤澤疑新浴羅紋刷絲名漸殊谷深水淺真  
難復舊石既無新石出貴介視之輕瓦礫楊生琢磨獨  
非常手持一二來豫章百金酬價猶自惜故家云有千  
歲藏或聞山崩泉脈湧翻令當時遺石動至今散落樵  
牧家敲火磨刀隨日用衝煙踏雨忽驚逢席裹氈包不  
辭重我嗟拙書好蓄收松煙禿兔非其儔嗚呼人生抱  
才坎壈勿輕許時來相遭亦如此

題商侯畫山水圖

秦鞏諸山天下美相君愛山心獨喜商侯落筆圖畫裏  
盤迴咫尺藏千里遠山天際抹修眉近山淡黛連雲起  
下有百尺清溪水石闌木盾懸崖底時見行人去如螳  
危橋吹斷橫沙尾村落林園接遐邇雲中世家重釋流  
東劉凌虛構華侈撾鐘擊鼓兩巖間西劉輝煌賀蘭氏  
商周遺俗亦在耳豈無當時隱君子我欲追遊繭雙趾  
却愛孤舟岼旁艤商侯商侯巧能擬安得從之慰我思  
呼酒盡埽溪藤紙

濟州

究泗支流魯山麓會濟分河向南北扁舟高枕卧看山  
青入齊雲雨新沐六年歸老敬亭閒忘却塵埃道路間  
松聲入夢山巖裏驚散風帆去千里

題趙虛一山水圖

我愛青山欲歸去偶見生綃喜還住層巒疊嶂遠冥濛  
旭日東升光彩注簾陰微閃數枝丹疑是巖前半開樹  
晴嵐曉翠千萬重一覽底須攜杖屨郭生十年不相見



筆意從容入天趣青田道人如瘦鶴能跨生駒窮海岳  
何如挂此素壁間終日焚香相對閒政爾胸中有丘壑  
烏帽黃塵漫飄泊向來山中我醉眠白雲孤飛興悠然  
清幽到處畫不出自遣數語人間傳

送郭教授歸鎮江

長江日夜東南來千巖萬壑雲屏開樓船挾纊行若飛  
白晝擊鼓轟晴雷屹然中流浮兩峰颶風撞瀾勢欲迴  
珠宮貝闕掩靈怪滉漾百尺瓊瑤堆扶桑之西接巨壘

日月出沒荒城隈英雄遺迹尚可識人物往往鍾奇才  
嵯峨黃鶴起煙霧杜鵑花落蒼苔當時我馬曾駐息  
浩歌散策為徘徊霜髯古色猶在眼恍若薄夢隨飛埃  
六年買屋住京雒鳳毛忽來光璨璀論交問舊喜復歎  
詩酒解后常開懷如何掉頭不肯住笑張短席懸歸桅  
故山早晚我亦往莫遣猿鶴相驚猜

許有壬

李惟中學士自西臺侍御召入以未央宮瓦硯

為貺作此謝之

漢家作宮法紫微金鋪玉戶明華榱甄官陶瓦極能事  
鉛丹細擣咸陽泥一朝神雀去不返秋風禾黍驚離離  
谷陵且變此宜盡一二時出農夫犁人間購求作珍玩  
洗刷篆籀分毫釐西臺執法好事者礱磨為硯尤瑰奇  
體呈全璧徑尺許沼開新月才一眉堅如鐵石潤如玉  
墨聲瑟瑟松風吹惠然匣送感高義但惜所與非所宜  
公才真是謫仙裔善事利器方相資嗟余蕪學忝詞館

雖有此器無能為世傳銅雀亦佳品搜荆黃壤今無遺  
高皇垂統四百載老瞞何物敢等夷愛人屋上烏亦好  
況茲適用逾端溪楮生毛穎賀得友坐令几案增光輝  
代言揮制固多愧玉堂風月猶能詩

題趙幹江樓風雨圖

人間叢爾東南陬金陵李家無遠謀詞華欲繼後庭曲  
不見東風空上樓當時百事尚纖麗況在畫工專末技  
洪河喬岳昧平生曲闌幽檻窮清致石頭城下無重關

甲馬營中有佳氣九天飛墜曹將軍盡卷版圖充上計  
小兒造化吁可憐乾坤又到宣和年君王搖毫自塗抹  
片紙落世人爭傳坐看南北又分裂遂使兩家同一天  
偶從斷縑閱小景慨念興忘豈天定而今蕩蕩混一圖  
但少儂歸理釣艇

許有享

雙洲

吾聞東海之上有十洲羣仙出入洲上頭瑤花琪樹聚

麟鳳不與塵世同春秋吾池不啻涪蹄水孰謂蓬瀛敢  
相擬獨憐亦復攔雙洲雲霞業炭煙波裏飛橋子午凌  
空虛朱闌綠柳陰扶疎亭臺倒影山色好四顧彌望皆  
芙蓉清風為賓月為友但恨不將池變酒恍如乘槎泛  
天河又疑身在無何有從知雲海空復空仙凡一笑將  
無同浪遊不必訪弱水人間亦有蓬萊宮吾儕小人可  
惜無仙骨由來二洲不是池中物

疏圃

有池可汲園可劬拂袖歸來心願足自甘學圃為小人  
愛此菜茹并苜蓿元修雨後脆且腴諸葛敷榮色濃綠  
蘿蔔生兒芥有孫芋魁出水頻澆沃罷鋤時或釣池魚  
隱几何曾夢蕉鹿既無抱甕老翁勞亦免趨炎脅肩辱  
吾嘗寓甲第紛紛厭梁肉吾今旦烹葵食鬱雜墊藪彼  
紫駝峰出翠釜爭如菰韭侑炊粟五侯之鯖世所貴五  
辛之盤吾亦欲庸人皆被富貴熏或羨吾饕是清福但  
令此色毋駐顏雋味嚙根充我腹三年不窺慙仲舒吾

濟何可輕樊須九月築塲十月滌連年藉此輸官租

十二月廿又二日觀雪冷然臺城郭山川四顧  
清爽小兒誦東坡先生聚星堂詩甚習殊可樂  
也因憶馬明初云往歲德常杜左司嘗與諸公  
和之成巨軸然皆不及一見僕則不敢言和但  
對景乘興謹用其韻爾僭越之罪觀者恕之

花飛六出亂無葉冷然臺上偏宜雪茫茫大地迴無塵  
渺渺予懷正奇絕山容喜從天際改竹聲時聽池邊折



相知更有灞陵翁，長途不信人蹤滅。平原飢兔巧踰藏，  
空濶蒼蠅飽飛掣。小兒忍冷從吾觀，楚楚毳裘蒙采纈。  
坡詩誦得聚星堂，字字珠璣飛玉屑。懷賢撫景慷慨生，  
歲月堪憐去如瞥。豐年但願太史書，故事須從汝南說。  
歸來舉似宋廣平，却笑梅花心似鐵。  
時梅皆凍損

蒲道源

仲春十三日大風雪

兩日東風何作惡，橫將桃李花吹落。陽和歛忽變寒威，

曉來陡覺春衫薄紛紛撲面飛蟲亂細看六花驚雪作  
須臾眼界失舊觀玉殿瓊林起沙漠細思節物恐差謬  
始信化工難測度初遷喬木悔新鶯久屈重泉愁尺蠖  
仰天致詰不我酬運候果誰司橐籥便當努力戰客陰  
一掃晴空開六幕

贈龍巖上人草書

韓云浮屠多技能祇今復見龍巖僧高閑懷素去已久  
肯向死灰求續燈手追心慕忽有得筆底渙然無滯凝

雲煙結暝鬼神泣雷電索怪蛟龍騰懸崖百尋瀉瀑布  
老樹千歲垂寒藤鐵為門限自茲始但恐紙價相仍增  
我聞雪菴亦工此好事往往輸縑繒都城顏扁妙天下  
驟得榮寵非階升龍巖更須追三昧無俾斯人專美稱  
贈傳神李肖巖

人生天地洪鑪中形色散殊俱不同畫師筆底要真似  
妙想乃與天機通肖巖後出獨超詣睥睨衆史如兒童  
京師摹寫富箱篋奇厖福艾多王公神情所賦各臻極

千變萬化無終窮遂為當代顧陸手足配向來褒鄂雄  
明窗副本得寓目起敬毛髮森寒風祇今聲價愈增重  
姓氏已徹明光宮塵容俗狀亦何者年齒未及先成翁  
既無開朗謫仙韻又無圖畫凌煙功君何忘然肯相過  
坐對熟視心神融煤蠶紙上畧點畫稍類雲月猶朦朧  
須臾壁間出幻影恍若面映新磨銅人能肖我不自肖  
內發感愧顏生紅聖賢體貌等人爾所貴踐履惟能充  
作詩荅謝肖巖貺但恨意遠辭難工

題錢舜舉畫煙江疊嶂圖

江山奇絕吳楚鄉畫史又與生錢郎錢郎下筆得天趣  
意象髣髴開衡湘浮空水光接巨浸隔岼嵐翠摩穹蒼  
幽巖梵宮半隱見老樹樵舍相迷藏中流一葉泛小艇  
遠澗千尺橫修梁山居熙熙自太古下視擾擾徒奔忙  
我來京國行九軌塵土眯目鬚眉黃困餘偶作林壑夢  
歸計未遂驚彷徨明窗豁然看此畫便覺胸次生清涼  
何時挈舟徑成往長嘯振衣千仞岡

文矩

題楚山春曉圖

荆門雪霽江樹芳  
巫峽冉冉愁雲長  
山猿杜鵑叫落日  
風灑露沐何蒼涼  
六龍從東來曉氣  
開扶桑天高雨絕  
人事變解環結佩  
空相望渚宮西溼  
連三湘畫中隱隱  
聽鳴榔安得置我  
棲其旁為君一曲  
歌滄浪

薛漢

題畫馬

渥注龍媒少人識世上駑駘日充斥班生畫馬畫兩匹  
駿骨雄姿殊未得赭袍烏幘坐奚官似出春風十二閑  
掩圖不語三太息我方垂耳鹽車間

都城曉起和張漢杰韻

扶桑日射蓬萊頂下視瑤都森萬井金門未啓曙光寒  
月落觚稜微有影枕上游士夢未回喔喔鄰雞為呼醒  
知君曉約穀城翁再擬銘功漢鐘鼎杏村天近易為春  
莫厭西齋官獨冷

題劉理之木石

木石山人枕溪曲盡日看山如不足一朝木石真到眼  
昔者寓言今實錄何年老楠生長空山中枯根入地蟠  
蛟龍嵌竇玲瓏削蒼壁宛如當年蘇老之三峰浪齧沙  
沿歲時久豈知竟落漁人手漁人好飲君好奇駝入君  
家博升斗君不見嗜石相國李與牛不惜千金購羅搜  
豈知山人奄有一丘壑只費平原五督郵

胡炳文



星源八景 錄四首

龍井曉雲

華光殿東泉有靈下穴空洞神功冥當時忽見蒼虬精  
年年簫鼓來相迎五風十雨今年好靈物不要人祈禱  
非煙非霧騰清晨五色祥光煥晴昊

仙巖夜月

誰鑿太陰開四洞蟾光照破人間夢靈源千層石髓香  
金雞一唱巖花動白玉柱邊眠蒼虬絳花橋下行青牛

我來絕愛讀書室石圓水冷天風秋

北寺昏鐘

日斜一路紅闌干日落四山蒼翠寒雲深不見招提處  
一聲兩聲起林端遙度前溪聲欲絕溪上漁舟撐未歇  
衆鳥棲定樹頭雲一僧歸踏松間月

西湖水榭

蚬城誰築溪之涯層樓簇簇排人家兩岸春風好楊柳  
一城霽月芙蓉花香與清風遠方覺污泥不染塵不著

小亭紅瞰碧波心著我中間看飛躍

陳櫟

寄鄭耕巖

古來隱士多躬耕身將隱矣焉用名巢由以降名著稱  
皆違本志非真情真隱充隱分偽誠終南捷徑遭譏評  
隱而無名妙不勝詩之衆賸將驚寔君家子真當河平  
五侯霧塞黃冥冥此何如時可軒騰宜哉掉頭呼不應  
遂使谷口聞西京名挂法言聲鏗鉤君其裔耶良錚錚

幾載龍舒以道鳴巖居高尚追芳馨時哉不同逢文明  
何忍被褐韜連城鄭公鄉想多豪英仲容方奮青雲程  
曷不彈冠濯塵纓天風再秋鶚孤橫春浪紅暖翻飛輕  
幡然堯舜君與眀他年身退當功成法疏廣受辭恩榮  
明農巖下相攜行世有工畫傳丹青與令手卷雙合并

王振鵬

題金明池圖

三月三日金明池龍驤萬斛紛游嬉歡聲雷動喧鼓吹

喜色日射明旌旗錦標濡沫能幾許吳兒顛倒不自知  
因憐世上奔競者進寸退尺何其癡但取萬民同樂意  
為作一片無聲詩儲皇簡淡無嗜欲藝圃書林悅心目  
適當今日稱壽觴敬當千秋金鑑錄

郭天錫

下隍朱氏竹山圖

鳳凰東南山萬里山人晏坐何從容乾坤清氣不可遏  
一夜春雷起擇龍詩家襟度蔚蕭爽百尺琅玕日應長

我欲驅車訪此君只恐山靈杜來往

客有蓄青玉荷盤色奇古擎杯作蓮蓬下屈為  
柄上覆作蓋蓋十九點青質而紫章匠氏刻為  
蓮房殆奪天巧故人元復初命不肖賦詩

碧雲亭亭水天永翠蓋翻風隨秋影文姬團扇感初涼  
露華亂落明珠冷紫莖綠葉歌秋蘭涉江折得煙蓬還  
前緣已被專房誤守宮血點猶斑斑麴生解后誇奇特  
倒卷滄溟供一吸太華峰高歸路遙但覺滿懷春拍拍

俗眼傲睨琉璃鍾金壘未用爭誇雄嗚呼古詩調高和者寡擬喚杜陵醉中把

題雷雨護嬰圖

轟雷欲破山急雨撼坤軸母兮抱兒歸掩耳趨茅屋畫師巧為此村景了在目一時似可驚四郊想霑足明朝雨霽還復來平疇却看秧針綠

揭祐民

題秋江晚渡圖

柰榆株櫟楓樗村古臺半隱溪林根短橋細路入幽徑  
斷無人屋誰鄉粉遠山微雲出木杪白沙丹葉隨州痕  
岸莎時方蘼淨潦天霜氣欲浮黃昏一舟橫衝破秋色  
中有坐止知奚云應言去早失歸晚夕陽下擲潛無矐  
巾衣各振離舸散到家定未闕柴門吳越小景重摸索  
江湘雅致費討論豈無片壑可與共漁樵逸樂同雞豚  
彼翁欣還倚杖屨誰能無酒妻兒溫我生只為書僭誤  
披卷坐對真消魂黃金鄮塢不若此浣花書屋翻能存



還君圖卷百感歎武陵溪上難尋源不能忘者舊山麓  
春日起處思聞猿

李材

過黃陵廟

黃陵廟前湘水綠天寒漁郎唱巴曲沙棠舟上月蒼蒼  
翠蛟白蜃江茫茫似聞清愁五十柱萬里鴻飛楓葉暮  
神鴉翻舞祠門開珠裳玉袖霑莓苔元猿晝啼薜蘿影  
赤鱗夜去芙蓉冷北渚淚痕斑竹紋南風哀思蒼梧雲

山頭古桂秋露碧山下江流豈終極荒涼揭車雜杜衡  
靈風自吹煙霧旌輕帆晚向芳洲泊聊薦蘋羞奠蘭酌  
沅有汜兮湘有沱洞庭水落生層波裴回獨詠騷人歌  
何中

寄題疎山寺半間禪房

往時沿沂盱母川李花陰陰曾繫船丰茸沙草取幽徑  
叩關一禮白雲禪千柱空廊絕人跡蒼苔亂點飛紅妍  
松香四襲翠滴雨江影半侵明映煙鸛鶴流聲出巖谷

輕霏忽散風鏘然長哦欲寫不能就每寄清夢時周旋  
秋風吹空客如仙名山有記持相傳迺知曇花解重現  
彈指一瞬五百年經閣香臺雪幾春戲成小果留人天  
先師吾鄉白雲寺卓錫尚令題榜鮮半間之半可著我  
呼童亟辦青行纏身前舊境餘一念定許鄰舍香茅編  
題江南煙雨騎驢圖

風發發雨瀟瀟渡船未渡山相招騎驢不知前路遙路  
遙抵何處南山之南且穩住莫向長安街上去京尹今

無韓吏部

冲虛宮景真堂

怡山東麓堂靜深欲尋真景真難尋華鐘時發貞明韻

王審知時

秀木遞懸天監陰

王伯梁天監中飛昇

天風颼颼吹余髮戲

綰幽藤作條脫騎鳳蕭驚烏石雲降龍劍照古山月丹  
爐藥竈長周旋六時采擷三芝鮮蓬萊書札失幽約幾  
度歸潮深碧煙

擬峴臺

擬峴臺山如杯樹如苔臺前東風花亂開流雲藏雨花  
間來花根得雨新綠催花枝隨雨成香泥神工鞭策不  
停手七尺容形爭好醜桐林嶺頭木香酒百錢一盞當  
酤否

題五馬獵歸圖

秋野肅肅秋草萋萋天空鴈度呼鴈時一馬前行四馬  
隨前者迴顧相指揮最後兩人俱下馬一人拱手俯聽  
之一人拏麋毛色肥角弓在弣箭在房人馬意態何遲

遲知從底處射獵歸莫是營州少年并州兒閒中貌此  
知為誰筆力精勁妙莫窺我疑此畫有似汲冢古書出  
蠹簡殘逸有缺遺不須完足自可寶古人日遠何由追  
嗚呼古人日遠何由追

由寶塘舟行至臨汝

盧鴻十志看不足愛雪貪行雪相逐晴風吹散北山寒  
三十六坡水初綠黃洲挈得罩蓬船松筠繚繞煙成淵  
陂聲疊下灘聲惡鮑照却歌行路難

除夜

風縈縈雨霏霏寒輕新柳潤春到落梅稀筠籃入市買  
紅燭煙火松林人醉歸

陸文圭

燒筍賦竹字韻

先生朝盤厭苜蓿筍味得全差勝肉蒼頭掃地犀角出  
赤焰燒空龍尾禿土膏漸渴外欲枯火灰微溫中已熟  
撥灰可惜衣殘錦解籜猶憐膚擢玉青青無分長兒孫

草草為人供口腹李家丞相蒸葫蘆石家美人煮豆粥  
去毛留項有何好擣韭作齏空自速不如野人工食淡  
自辨行厨入修竹句裏曾參玉版師胸中會著簞簞谷  
主人不問不須嗔昨夜西風響林屋

傅野

題淳化閣帖後

君不見秦王一旅定兩京武功文德致太平晚年却愛  
蘭亭字收拾繭紙歸昭陵前朝淳化號極治典章文物



煥日星遺書購求到筆帖祕府畫靜聞登登銅駝翁仲  
兩荊棘況此爛石何足憑當時已愧千載後影外之影  
聊相仍即今見此遂希世古意雖遠猶典型文章於道  
固小技而況字畫紀姓名癡兒傳觀競彷彿至有嘔血  
求其精殘編斷簡無足論此事自闕時廢興願君持此  
待善價他年不厭家雞腥

王楨

櫃田

江邊有田以櫃稱四起封圍皆力成有時捲地風濤生  
外禦衝盪如嚴城大至連頃或百畝內少塍埂殊寬平  
牛犁展用易為力不妨陸耕與水耕長彈一引徹兩際  
秧壠依約無斜橫旁置淺穴供吐納水旱不得為虧盈  
素號常熟有定數寄收粒食猶困京庸田有例召民佃  
三年稅額方全徵便當從此事修築永護稼地非徒名  
吾生口腹有成計終焉願作江鄉氓

梯田

世間田制多等夷有田世外誰名題非水非陸何所兮  
危巔峻麓無田蹊層磴橫削高為梯舉手捫之足始躋  
偃僂前向防顛擠佃作有具仍兼攜隨宜墾劓或東西  
知時積早無噬臍穉苗亟耨同高低十九畏旱思雲霓  
凌貌風日面且黧四體臞瘁肌若剗冀有薄穫勝稗稊  
力田至此嗟欲啼田家貧富如雲泥貧無錐置富望迷  
古稱井地富可稽一夫百畝容安棲餘夫田數猶半圭  
我今豈獨非黔黎可無片壤充耕犁佃業今欲青雲齊

一飽纔足及孥妻輸租有例將何齎慙愧平地田千畦

田盪

農事方殷春已歸綠雲滿掘春秧齊秧馬既具田成畦  
尚欠有物平水泥橫木叉頭手自攜盪磨泥面如排擠  
人畜一過饒足蹄却行一抹前蹤迷瑩滑如展黃玻瓈  
插蒔足使無高低處汙不染濯清谿歸來自潔從高棲  
一遇詩人經品題附名農譜名始躋願言永用同鉏犁

划船

水鄉遠近多岐路誰作划船新制度不煩梢柁與帆檣  
一櫂翩翩恣來去農事方殷負載多水陸無拘隨所遇  
歸來閒舣古方塘不知江海風濤怒有時撐出柳邊來  
還勝斷橋人不渡

野航

東臯茫茫春雨晴前谿溶溶春水生小橋欹仄已中斷  
野航一葉通人行長日一鞭春事畢來去谿邊少人迹  
雨打風牽盡日橫白鷺有時來上立

守舍

禾穗纍纍青半黃邊山除野多熟鄉一粒未得人初嘗  
不應辨作鹿豕糧老農作計須夜防結草構木安匡牀  
高低量置田中央容身僅足庇雨霜比於露宿知猶強  
所圖歲晏實飢腸世族多少居華堂安然熟寢無更長  
便腹何嘗乏稻粱敢較甘苦均閒忙不遑寧處禾無傷

水柵

山源洄洑谿澗空兩岸對峙如崇墉傍田救旱無由供

上流作障憑地崇支分下灌畦磴重卧邀沛澤真伏龍  
復有川水波濤洪枚椿列植當要衝仍制石廩如合縱  
要約中流無必東穿渠遠溉波溶溶至今陸海稱秦中  
畎澮巨川惟禹功田間濬治方成農後世拒水能傍通  
却資沃灌開田封向來陂竭皆餘蹤海內萬水空朝宗  
餘波儻使膏潤同縱有湯旱無饑凶坐令歲歲歌時豐  
富民有具今始逢此柵功利將無窮

火倉

朝陽一室虛窗明今朝喜見蠶初生四壁勻傳今得熟  
火龕挫壘如三星阿母體瘠衣絹單添減火候隨寒暄  
誰識貴家勸飲處紅爐畫閣簇嬋娟

蠶簇

捲去綠雲桑已少箔頭有絲蠶欲老月餘辛苦見成功  
作簇不應從草草南北習俗久不同彼此更須論拙巧  
北簇多露置積疊仍憂風雨至南簇俱在屋施之蠶北  
良未足南北簇法當約中別構長厦方能容外周層架



蒿草平內備火患通入行飼却神桑絲已吐女灑桃漿  
男打鼓作繭直須三日許開簇團團不勝數我家多蠶  
方自慶得法於今還可證免似向來多簇病

### 繅車

人家育蠶憂不得今歲蠶收繭如積滿家兒女喜欲狂  
走送車頭趁繅緝南州誇冷盆冷盆繳細何輕勻北俗  
尚熱釜熱釜絲圓儘多緒即今南北均所長熱釜冷盆  
俱此軋軋頭轉機須足踏錢眼添梯絲度滑非絃非管

聲咿嘍村北村南響相答婦姑此時還對語準備吾家  
好機杼豈知縣吏已催科不時揭去無餘紵迫索仍憂  
宿負多車乎車乎將奈何

御選元詩卷二十六

謹案第十三頁後一行郫筒蜀酒亦堪酤刊本蜀  
作濁據石田集改

第二十九頁前五行皆違本志非真情刊本志作  
旨據定宇集改





總校官庶吉士臣侍朝

校對官檢討臣蕭九成

謄錄監生臣周元

欽定四庫全書薈要

集部

御選元詩卷二十七

欽定四庫全書薈要卷一萬八千四百三十九

集部

御選元詩卷二十七

七言古詩四

虞集

賦洛川老人九十

洛川老人年九十鬚眉如畫身玉立錦袍金帶方烏巾  
手挽強弓無決拾八月平原秋氣高聞有狡獸依蓬蒿  
清晨上馬薄暮返累騎毛血懸鞵橐身是前朝將家子

生逢太平百無事都將英氣化高年何物小兒堪指使  
太守上言朝有恩東帛養牛兼上尊洛川老人過百歲  
擊壤為歌傳子孫

張令鹿門圖

張侯襄陽人深知襄陽樂十年宦學懷襄陽故託豪嫌  
寫山郭老我不樂思蜀都人言嵩陽好隱居三十六峰  
常對面水竹田廬還可圖欲往不能心燥燥忽見新圖  
被山惱沙禽浦樹俱可人金澗石牀為誰好向來耆舊



皆英雄駕言從之道焉從弄珠月冷識游女沈劍潭深  
知卧龍八月霜晴水清淺聞道扁舟足迴轉何時古寺  
傍檀溪幾處殘碑在江峴呼鷹臺高秋草多養魚池中  
蓮芡波蜀嵩未必不如此我今不游奈老何張侯張侯  
早結屋莫待史詹為君卜要看隴上課兒耕好在魚梁  
白沙曲

子昂畫馬

憶昔從公侍書殿天閑過日如飛電池邊儘有吮毫人

神駿誰能誇獨擅公今騎鯨隘九州人間空復看驂騑  
惟應馭氣可相逐黃竹雪深千萬秋

家兄孟修父輸賦南還

大兄五月來作客八年不見頭總白五人兄弟四人在  
每憶中郎淚沾臆我家蜀西忠孝門無田無宅惟書存  
兄雖筦庫實父蔭弟竊微祿承君恩文章不如仲氏好  
叔氏最少今亦老五郎十歲未知學嗟我何為長遠道  
諸兒讀書俱不多又不力耕知奈何憂來每得二三友

看花把酒臨風哦蜀山嵯峨歸未得盤盤先壠臨川側  
碧梧翠竹手所移應與青松各千尺南風吹雪河始冰  
兄歸烏帽何裊裊明年乞身向天子共讀父書歌太平

子昂墨竹

子昂畫竹不欲工腕指所至生秋風古來篆籀法已絕  
止有木葉雕蠹蟲黃金錯刀交屈鐵大陰作雨山石裂  
蛟龍起陸真宰愁雲暗蒼梧泣湘血吳興之竹乃非竹  
吳興昔年面如玉波濤浩蕩江海空落月年年照秋屋

商德符畫幽篁古木

湘君宮在洞庭湖幽篁古木龍所都石壇雨長碧苔蘚  
水屋風動青珊瑚老人欹枕看螻蟻嫠婦停舟聽鷓鴣  
江南蜀道問來往商公商公今有無

為達兼善御史題墨竹

蜀道荒涼多古木簣簴千尺相因依小年慣見今白髮  
杜宇夜啼愁不歸老可嘗作陵州守古墨蛟龍多入手  
春雷每恐破壁去神鼎空令夔魑走丹丘越人不到蜀

修葉何以能縱橫內府人家爛漫寫使可見之心亦驚  
江南御史龍頭客暫別那能不相憶知君深識篆籀文  
故作寒泉溜崖石

畫鶴

薛公少保昔畫鶴毛羽蕭條向寥廓通泉縣壁久微茫  
故物都非況城郭長鳴閣步貌閑暇解寫高情亦奇作  
田中芝草日應長石上松花晚猶落赤壁江深孤月小  
白雲野迴秋霄薄群帝相從絳節朝八公許製黃金藥

誤嬰塵網迹易迷移台中洲夢如昨借懸素壁憶真侶  
忽有微風動林壑碧虛寥寥積雪高直過蕭臺絕棲泊  
寫廬山圖上

憶昔繫舟桑落洲前五老當船頭風吹雲氣迷谷起  
霜墮楓葉令人愁高人祇在第九疊太白一去三千秋  
石橋二客如有待裹茶試泉春巖幽

題旦景初僉司畫

旦公山堂城東南畫圖古檜何甦甦城中無山有山癖

直藉豪墨窮幽探旦公彈琴古檜下鬱鬱窓戶生晴嵐  
春雨時來鶴鳴谷秋聲夜作龍吟潭先皇晝坐群玉府  
內使趣召飛雙轡畢宏韋偃出中祕營丘北苑開滕緘  
是時旦公主舒卷一二文士相交參旦公歸來坐成想  
亦頗拈筆為梗楠伯熙奉詔每有作礪礪相並將無慚  
嗟余懷歸亦已久摩挲老目百不堪山中豈乏真偃蹇  
可容白髮抽朝簪

題柯敬仲畫

并序

予先世居隆州州治之後山石室翁守郡時隆為  
陵州州事簡時來就吾家拾故紙背作茅蘭竹木  
之屬所得頗多吾幼時尚收得數紙今亦亡之丹  
丘生用文法作竹木而坡石過之近又以新意作  
墨花甚妙從子悅有眉山學官之行丘為作此予  
愛而賦之

昔者老可守陵州守居北山吾故丘太守時來看山雨  
每畫紙背成滄洲老蒲松煙色過重揮霍陰崖交劍矛



百年離亂亡故物，敝篋江南誰復收。  
新圖篋管枝葉脩，使我不樂思昔侯。  
碧雞祠前杜鵑叫，玉女井上叢篁幽。  
棠梨樹高青子落，碧花翠蔓縈牽牛。  
揚雄無家不歸老，蟪蛄蟋蟀寒相求。  
丹丘先生東海客，何以見我空山秋。  
蕭條破墨作清潤，殘質刊落精英留。  
陂陀重複分細草，山石縈紆生亂流。  
眉山學官莫厭冷，言歸故鄉非遠遊。  
石田茅屋儻可得，萬里欲上東吳舟。  
百花潭深濯新錦，持報以比珊瑚鉤。

敬仲畫扇

松根茯苓如石髓服食令人壽千歲子欲求之觀此圖  
老身偃蹇枝扶疎長鏡篝火新雨霽羽人丹丘期不至  
却翦蒼筤崖石間吹作龍吟秋滿山

題簡生畫澗松

簡生與我皆蜀人留滯東南凡幾春每拂齊紈作山水  
使我感慨懷峨岷如此長身兩松樹滿谷悲風散陰霧  
雌雄如劍變為龍鱗鬣齊成擘崖去祕閣嘗觀韋偃圖

蒼潤雄深世所無  
默識形神出模畫  
把筆莽蒼增嗟吁  
玉堂寶書本同館  
官府既分難復見  
摩挲新墨慰衰朽  
鬢雪飄蕭數開卷  
昔我樵牧青城山  
坐起政在雙樹間  
當時簡生若相見  
應并寫此聽潺湲  
劉郎集賢好賓客  
好著幽窓對晴碧  
凌靈為我哦七言  
有鶴飛來破秋色

題柯博士畫

磯頭風急潮水長  
蒹葭蒼蒼繫魚榜  
青山一髮是江南  
白頭不歸神獨往  
幽篁繞屋茅覆檐  
木葉脫落秋滿簾

買魚沽酒待明月定是黃州蘇子瞻子瞻文章世希有  
謫向江波動星斗夜投斷岸發清嘯棲鶻驚飛怒蛟吼  
圖中風景偶相似欣然揮灑春雲開子瞻應是念鄉里  
還化江東孤鶴來

題灤陽胡氏雪溪卷

并序

去年予與侍御史馬公同被召出居庸未盡東折  
入馬家甕望縉山度龍門百折之水登色澤嶺過  
黑谷至於沙嶺乃還道中奇峰秀石雜以嘉木香

草輦道行其中予二人按轡徐行相謂頗似越中  
但非扁舟耳適雨過流潦如奔泉則亦不甚相遠  
郭熙畫記言畫山水數百里間必有精神聚處乃  
足記散地不足書此曲折有可觀恨不令郭生見  
之灤陽胡太祝乃以雪溪自號豈所見與予二人  
同乎然灤水未秋冰已堅尋常已不可舟况雪時  
耶當具溪意云爾因為賦詩云

積雪平沙陰山道射虎殘年不知老豈識船如天上坐

翠竹為帷樹為葆昔乞鏡湖苦不早白髮如絲照清潦  
他年此地若相逢應著漁蓑脫貂帽

題楊友直檢校所藏李營丘枯木圖

老龍出海蒼髯鬚營丘枯木天下無回枝屈鐵墮崖雪  
澗底應拾青珊瑚明堂清廟要梁棟朔風吹沙澤腹凍  
老身不用歎遲暮按圖來求萬鈞重

酬蕭侯送蒲萄

蕭侯昔致蒲萄苗山童不灌三日焦宛西上品復親致

手種窓南自澆水一月當生一尺長移向江頭薜荔牆  
秋深雨足馬乳重舉囊石壓青霞漿是時蕭侯當走馬  
來訪衰翁茅屋下酒酣舞劍傾一尊不信金盤露如瀉  
題衮塵騶圖

驂騑食粟石每既立仗歸來汗如洗脫羈展轉聊自恣  
落花塵土隨身起君不見春雷起蟄龍欠伸霧擁雲蒸  
九河水

題畫

連昌宮裏古牆陰積雨過春黃竹深老樹無枝交屈鐵  
立石有書名錯金吮毫池上寫幽鳥承恩春日風光好  
當時執戟今白頭却對蕭森倚秋昊

劉忠肅公之四世孫中書舍人諱震孫之曾孫  
益之題其居曰雲松巢予家與劉氏累世之契  
故為書忠肅公文集之首詩三篇并賦此與之  
丞相昔游泰山頂天風浩浩春晝永玉檢微茫不可求  
但覺靈霞熟丹鼎白日人間如水流前代衣冠成古丘



悠悠憂患何足計直道千年橫素秋徂徠之松數千尺  
東連海上暮煙碧中書偉人如玉立每向南風望東北  
濁世公子何翩翩却憶匡廬還謫仙芙蓉出水耀初日  
五色光新天為妍我今僑居廬阜側西視我眉歸未得  
豈無雲錦晚相娛月落終懷雪山白森森喬木魯東家  
河間禮樂更光華勿忘先世舊遊處吾秣爾馬膏其車

題馬竹所畫

霜清木落江海空一棹歸來何處翁雙松千歲如鐵石

為爾回薄旋天風憶昔神龍劍所化夕卧滄波弄明月  
望中冉冉雲氣生直接銀河上瓊闕

霍元鎮規模董北苑米南宮父子寫山水雲物  
殊有標致見示春江捕魚圖遂賦此

春江聚網萬魚急漁人相謹魚相泣負薪深山何處樵  
利害相乘不相及海鷗冥冥秋影微黃葉江南一棹歸  
人間得失兩無迹不廢山水含清暉

同開先南楚悅禪師觀息齋畫竹卷於崇仁普

安寺煜公之禪室蓋煜之師一初本公所藏也  
因記延祐甲寅息齋奉詔寫嘉熙殿壁南楚與  
之同寓慶壽寺時予同為太常博士俯仰之間  
已為陳迹乃題其後云

嘉熙殿裏春日長集賢奉詔寫蒼筤邇來二十有五載  
飄零殘墨到江鄉匡廬高人昔同住每見揮毫鳳鸞翥  
木枯石爛是何年脩竹森森長春雨

題村田樂圖

尺素自是高唐物瑩如秋水宜設色何人畫此畎畝間  
二三老人若相識茅屋蕭條古樹下農務未殷牛在野  
或憐鸛鵒脫籠絛或弄獼猴笑真假老翁政自如兒嬉  
高髻襁負相扶持古時粉社祀田祖移饌高亭隨所宜  
抱甕初來未貯酒亦有生鸞宛延首村優競攜樂具至  
犬怪雞驚兒拍手拄杖出門欣見賓雜華滿庭生好春  
歲時無事得如此擊壤何必非堯民騎驢過橋殊矍鑠  
攜具荒陂來赴約定知張果千歲人游戲人間共杯酌

柳塘野鴨

江南水退秋光淺  
風柳參差萬絲捲  
鴛鴦在梁鳬在渚  
蕩蕩扁舟去家遠  
千艘轉海古長策  
白粲連江動秋色  
斷蒲折葦野水闊  
爛爛明星且將弋  
翠盤擎露夜深寒  
玉色亭亭落月殘  
太液池頭黃鵠下  
夢中曾見畫中看

江貫道江山平遠圖

江參去世二百年  
翰墨零落多無傳  
人間幾人寫山水  
誰能意在揮毫前  
昨見石林舊家物  
春雷疊嶂初破墨

我和葉詩頗豪放三者相望都突兀險危易好平遠難  
如此千里數尺間高雲舒卷非散地麗日照耀皆名山  
我持美脯酒一斗墨汁盈盤可濡首江生精神作此山  
向山呼生當至否高秋銀漢天無雲帷中冷然來夜分  
黃茅嶺頭華蓋頂畫我獨訪浮丘君

為汪華玉題所藏長江萬鴉圖

雲巢幽人愛江渚抽思揮毫寫橫素波瀾不驚潦水盡  
秋氣晶明絕煙霧征帆去棹不相襲岸曲洲旋總堪賦

孤村城市僅如蟻百丈牽江直如縷蕭蕭木葉洞庭波  
歷歷晴川漢陽樹蒹葭宿鴈天欲霜叢葦寒鴉日云暮  
就中樓觀何王宮想見華年貯歌舞丹青倒景駭靈快  
粉黛含情怨幽阻青春遊子憺忘歸白日冷風帳中語  
人間遺跡何足留最惜精思墮塵土郭熙平遠無散地  
小米蒼茫託天趣鈇鋒鉞戟不破墨刻畫晶熒昔誰苦  
渤海細書藝文草精絕戈波絕回互南唐後主萬鴉圖  
點點晨光動毛羽昔年曾見今日昏雖復逢之亦難覩

汪侯此卷出故家相示摩挲極愁予香奩犀軸見者稀  
謾錄餘情示來者

題漁村圖

黃葉江南何處村漁翁三兩坐槐根隔溪相就一煙棹  
老嫗具炊雙瓦盆霜前漁官未竭澤蟹中抱黃鯉肪白  
已烹甘瓠當晨餐更擷寒蔬共萑席垂竿何人無意來  
晚風落葉何毯毯了無得失動微念况有興亡生遠哀  
憶昔采芝有園綺猶被留侯迫之起莫將名姓落人間



隨此橫圖卷秋水

送呂教授還臨川

并序

古者仕不出其國五十里百里而已入仕王朝才  
千里而近無父兄妻子墳墓屋宅之別而有祿食  
之羨車服之華焉豈不便適人情乎哉今國家奄  
有宇宙仕者視南交朔易若東西家然則彼出入  
馳驅不越乎州閭黨術之間者不亦隘乎呂君仲  
謙世居臨川之南山木鬱茂田毛易長仰事其親

俯育其妻子何嘗有意於遠遊哉一旦用薦書得  
為遼東學官隨牒以行且萬里冬裘不足以禦寒  
蔬腸不勝其恒肉雖志氣不變然情能無少違乎  
僕願留之館中而不可歸其宜也故作詩以送之  
黃金作臺留好客好客不留秋月白東風吹雪滿衣襟  
却賦長歌送行客遼東之山醫巫閭六月五月雪不除  
昨朝遣使降香去五尺冰上行飛車知君江上慣舟楫  
快馬如龍亦徒設東取來時一卷書還向江波對明月

我本蜀人隨水來結屋與子相隣隈白髮京塵不歸去  
臨風相送興悠哉

城南春曉圖

天台先生有山癖臥起無山朝不食幾年騎馬聽朝雞  
磊砢諸峰拄胸臆陳生受意不受辭竟拈秃筆為掃之  
既安樓觀對奇石復著梁棧橫清漪游吾舊游釣吾釣  
隔林彷彿聞幽鳥瓊臺何處無桃花此是城南暮春曉  
夜來天子傳詔呼先生直上鑾坡趨盤盤迴復一萬里

無限好山并好水如從島上見陳生盡寫歸來畫堂裏

金馬圖

人負金馬  
睡於馬上

賈胡自騎千金馬解囊小憩荒城下平原無樹起秋風  
夢到陰山雪橫野太平疆宇大無外外戶連城無閉夜  
不然安有獨行人懷寶安眠如畫者

送戴真人歸越

戴先生日飲五斗醉不得再飲一石不肯眠昨從桃源  
來兩袖攜風煙長安道上小兒女拍手攔道呼神仙馬

如游龍花如雨蹴踏春秋作朝暮東方不作窓間戲上  
帝還令海邊去海邊玉虹夜不收貝宮珠闕皆蛟虯芝  
田玉樹久相待天上老仙那肯留戴先生鑑湖之水三  
千丈不可以鑑可以釀明朝亦脫錦袍去與汝酣歌釣  
船上

楊載

次韻虞彥高游陽明洞

憶昔神禹奠九州茲山會計功始休諸侯玉帛渺何許

但見萬水從東流衣冠永閉陽明洞夜聞鬼哭巖之幽  
珠宮貝闕號龍瑞天造地設非人謀槎牙怪樹凍不死  
化作千丈蒼玉虬丹洞呀然仙掌裂翠峰巧矣蛾眉脩  
梅梁飛去鐵鎖斷往往雷雨生靈湫軒轅緱神極祕怪  
海上笙鶴時相投平生閉門讀史記子乃探穴先吾遊  
明當挾子期汗漫題詩更在最上頭不妨山水樂吾樂  
豈有飢溺憂民憂故家喬木尚可求有子有孫百世留  
臥橫玉簫泛歸舟吹散萬斛江南愁

李伯時畫浴馬圖

古稱難畫莫如馬近朝惟數李伯時不至天閑觀帝服  
如此骨相何由知頭類渴烏尖插耳竟渡流沙輕萬里  
圉人牽浴恒凜然復恐化龍奔入水貧居里巷無馬騎  
徒步出入多傷悲大脰薄蹄何足願退立道旁塵滿面

題王起宗畫松巖圖

雲起重巖鬱浚亂長松落落樹直榦若人於此結茅屋  
爽氣飄然拂霄漢艤舟之子何逍遙從者偃僂攜一瓢

山中無日不閑暇  
跋涉相顧凌風飈  
始知王宰用意高  
使人觀圖鄙吝消  
世間未必有此景  
塗抹變幻憑秋毫  
丹青遊戲固足樂  
收絕視聽搜冥莫  
向來為政殊不惡  
乃爾胸中有丘壑

題華岳江城圖

華岳能詩世有名  
學畫丹青亦豪放  
此圖似寫安慶城  
雉堞樓臺儼相向  
北風將至江面黑  
千艘萬艘爭避匿  
滄溟涌溢水倒流  
南嶽動搖天柱側  
蛟龍戲落秋潭底



素練平鋪八千里時清好作釣魚翁閑弄輕舟煙霧裏  
題秋雨長吟圖

雨暗秋天黑如墨窮居茅屋出不得終日長吟復短吟  
吟罷令人轉悽惻飢猿抱樹屈雙肘病鶴拖泥垂兩翼  
何當策杖過溪頭要看南山新翠色

竹樹圖

荊棘蒙籠迷竹樹亂堆古石蒼苔護縱獵青郊懷舊路  
躍馬重岡追狡兔箭翎落地無尋處

題溫日觀蒲萄

老禪嗜酒醉不醒  
強坐虛欄寫清影  
興來擲筆意茫然  
落葉滿庭秋月冷  
醉中捉筆兩眼花  
倚檐架子欹復斜  
翠藤盤屈那可辨  
但見滿紙生龍蛇

范曄

送菊

臥病高秋留海浦  
明日重陽更風雨  
杜門不出長蒼苔  
令我天涯心獨苦  
籬角黃花親手栽  
近節如何獨未開

含芳閼采亮有以使君昨暮徵詩來凌晨試遣霜根送  
畚土雖微甚珍重極知無意競秋光往作橫窓歲寒供  
憶我初客天子都西垣植此常千株結花年年應吹帽  
始信南邦事盡殊願得封培自今日何間朱厓萬家室  
秋香端不負乾坤但嗅簫管亂儔匹歸去來兮雖得歸  
念歸政自莫輕違他日采英林下酌誰向清霜望翠微

擣練圖

深宮佳人白日長夜感蟋蟀鳴中房起視河漢心回皇

雲鬢籠鬆分作行清冰如天收素練翠娥帶月杵元霜  
輓轡無繩金井梢邊頭不見梧桐黃栽縫熨帖坐在牀  
載元載黃公子裳製成不遠煩寄將但見寒暑彫三光  
身體甚適平時康君不見古來邊庭士雪壓關河征戰  
多拆盡衣裘淚如水

題李白郎官湖

當時郎官奉使出咸京仙人千里來相迎畫船吹笛弄  
綠水何意芳洲遺舊名唐祠蕪沒知何代惟有東流水

長在黎侯獨起梁棟之彷彿雲中昔軒蓋南飛越鳥北  
飛鴻今古悠悠去住同富貴何如一杯酒愁來無地酹  
西風大別山高幾千尺隔城正與祠相值青猿夜抱月  
光啼挂在東湖之石壁黎侯本在斗南家枕戈猶自憶  
煙霞祇擬將身報天子不負胸中書五車昨者相逢玉  
闕下別來幾日秋瀟灑黃葉當頭亂打人門前繫著青  
驄馬君今歸去釣晴湖我亦明年辭帝都若過湖邊定  
相見為問仙人安穩無

王氏能遠樓

游莫羨天池鵬歸莫問遼東鶴人生萬事須自為跬步  
江山即寥廓請君得酒勿少留為我痛酌王家能遠之  
高樓醉捧勾吳匣中劍斫斷千秋萬古愁滄溟朝旭射  
燕甸桑枝正搭虛窓面崑崙池上碧桃花舞盡東風千  
萬片千萬片落誰家願傾海水溢流霞寄謝尊前望鄉  
客底須惆悵惜天涯

題皮野逸亭

方丈新亭隱叢篠下有長風蔭清沼林間白日漏遊絲  
天際青煙送飛鳥人生百歲今半之更百千歲將奚為  
麻姑自是好風骨按行蓬島歸何時

張明德經歷松石圖

張君畫手天下奇往者京城曾見之濟南參議最博雅  
每為送酒題長詩深山大澤生喬松緘封寄我章江湄  
問君安得致此本吏牘政類麒麟羈又費臨川百日假  
不爾能事何能施澗阿無人白石爛飛泉但見下連漪

老夫對此神慘惻，況近歲寒霜霰垂。  
高齋展玩意未已，便欲共赴青雲期。  
搔首絃歌白駒操，悠悠四海將誰知。  
懷舊遊贈別杜君還益津

往與羽人曾結滄洲期，醉騎鯨魚躍天池。  
北走幽都摩碣石，所歷至今皆見之。  
澤國波光秋潏潏，津亭月色曉參差。  
山夾疎鐘和雪度，樓棲斷角引霜吹。  
蘭園坐送流鶯亂，華觀行聞住鶴悲。  
別來幾度斜陽裏，平曲風煙勞夢思。  
安得狂心化為浪，去隨流水到天涯。  
偶向燕城逢



杜子為我立馬歡相持自言家在碣石西石西易水清  
淪漪易州風帆日日至佳人何事重來遲重來易遲去  
易速便欲從君川路返歲年冉冉思無限詩成鴈過雲  
濤晚

贈李山人

平生慕事華蓋君四海孤踪隨白雲峨眉山人住盱水  
駐馬重逢帝城裏別來相問意悠悠北走南飛又幾秋  
昔向貴溪尋講鼓又從薊郡攬征裘展圖示我青山屋

山在盱城小江曲東風日日蕩人歸明發行歌載黃鵠  
憶昔上帝敕游華子岡中道勒回俗駕賓炎方是行儻  
或如私願華子岡頭定相見麻姑應解索題詩碧桃花  
發報人知

奉酬段御史登岳陽樓之作時分理盜賊至海  
康

誰能手鋪湘水平刻却君山看洞庭昔人已騎黃鶴去  
樓前亂芷春蘭青豈知繡衣後千載遠違鳳闕來江城

憑高弔古落日紫領客置酒開雲屏酒酣點筆賦新句  
薄海傳誦令人驚憶我初遊白玉京與君聯步趨承明  
手宣皇猷敷帝績濟濟學士如登瀛一行竟墮萬里外  
回首滄浪思濯纓守官區區事無補惟有白髮欺人生  
牂牁水外萬竹底四時鳥語煙邊鳴忽忽此地復相見  
恍如幽夢求仙靈中宵秣馬不遑暇君又北鄉余南征  
如茲後會復何日念之使我雙涕零宮中聖人總四溟  
所過海岳須澄清鐵冠峩峩望天下青霄快展皆脩程

由來豺虎伏仁獸況有鷹隼當秋橫明夜相思隔雲島  
月落高臺聞笛聲

奉寄翰林鄧侍講

曩曾持節山之東騎驢再上蓬萊宮蓬萊仙人歌白鶴  
聲落五湖煙雨中世間爵祿不易致何獨去就如飄風  
朝廷禮樂須制作六經隱義資發蒙論思廟堂集耆碩  
啟沃寧讓前諸公閉門讀書古都市四輩冠蓋方隆隆  
我生生長在窮谷那有文字爭人雄謬蒙引譽百僚上

負祿府署慚無功一別十年還又五昔者少壯今成翁  
誰知復客七閩下隔二千里來詩筒羸軀頓醒瘴厲惡  
賴以慰此心忡忡粵王城南浪自白粵王城西花正紅  
贈別張清夫還吳

新雨不作泥鉤輶樹上啼征夫懷遠路家在太湖西別  
家今幾度楊柳江邊樹念鄉車輪下漸是中年路萬事  
中年尚可期人生且莫長別離長別離向何方九江落  
花清浦香王睢斑斑鳬乳黃南望不見三高堂奈何游

子思故鄉我家諸公濟時早功成身退合天道當時未  
必知者賢挽不迴之卧煙島後來閱盡虧成事始識從  
之去時好我不能赤手縛虹霓又不能委身同草木生  
逢堯舜世肯受泥塗辱昨者誤奮龍門雷螻蛄嘲之自  
云足憂來舉觴酌白日唯有皇天照空谷張公子吳江  
生我有千載意不羨身後名為君寫作贈行曲曲中鏗  
戛難為情君行不聽我意平明日買船棹秋聲亦欲東  
下窺蓬瀛飄然此去白玉京須卿禹穴來相迎相迎未

見須相待客行雖遲心未改

揭傒斯

夏五月武昌舟中觸目

兩髯背立鳴雙櫓短蓑開合滄江雨青山如龍入雲去  
白髮何人並沙語船頭放歌船尾和篷上雨鳴篷下坐  
推篷不省是何鄉但見雙雙白鷗過

送黃五舅得武陵校官還辰州寓居省侍

寧上山頭種禾黍莫向他鄉作羈旅山田得雨尚有年

他鄉顛顚何人憐一身千里家何在全家更在沅湘外  
獨樹雞鳴楓葉飛荒村鴈沒蘆花碎親在窮邊望子還  
子在長途衣復單居無寸田出無僕明年作官當食祿  
雨述

冬來一晴四十日三日南風當有雪不知閩嶺今何如  
念我故人書斷絕劔南判官心所親甌寧大夫政有神  
腐儒多事浪憂喜安得貽書兩故人

長風沙夜泊



長風沙風沙不斷行人嗟行人嗟奈君何南風正高北  
風起大船初灣小船喜移船更近大船頭不獨風沙夜  
可憂但祝行人好心事長江何處是安流茅屋參差數  
株柳時平尚置官軍守青裙老嫗詫鮮魚白髮殘兵賣  
私酒魚賤可買酒可沽他人心事知何如

祖生詩

浦城孝子身姓祖自憐性命如糞土生纔五歲遭亂離  
有母更被官軍虜零丁二十八春秋母縱得生何處求

天地茫茫明月恨江山漠漠白雲愁忽得母書驚母在  
看書未盡淚先流書云流落河南縣河南踏遍無由見  
唐州境上忽相逢白髮蕭蕭霜滿面誰知喜極情轉悲  
傍人更問初別時千生萬死到今日始為母子東南歸  
東南迢迢閩山路入門猶記階前樹居人傳說盡相看  
雞黍提攜竟朝暮祖生母子真可憐少壯離別老大還  
同時鄉井被兵者幾人骨肉能生全願生母子長壽考  
四海昇平永相保

小孤山次韻

小孤山前一迴盼蒼然始識孤山面隔江疊嶂開翠屏  
絕壁浮雲飄素練憶昔初蒙翰林聘艤棹探奇不知倦  
捫蘿陟級至絕頂目極神開氣為變大江東匯彭蠡來  
晝夜奔騰入海甸笳鼓遙聞日月動帆檣忽度乾坤轉  
舟人不識造物奇但趣急趁南風便蚤悟微官七載縛  
底用區區厭貧賤深窓冷壁守編摩何異揚雄困雕篆  
重來勝地歲云暮短景催人疾於箭天昏一火明山半

石底猶疑有雷電彭郎磯下寒浪湧坐客正說龍君傳  
人生可喜還可憐世事堪違不堪戀明朝匡廬復入眼  
雖有此境何由羨武城先生獨好事名山每恨遊難遍  
豐城客子無一錢但當作詩乞如願

白楊河看月

白楊河上看明月昔人曾見今人別茅屋數家河上村  
化作三山白銀闕波平風靜棹歌來萬頃冲融鏡面開  
今夜江南憶遊子空瞻雲漢上昭回茫茫萬里燕齊路

北斗從橫泰階曙黃河東逝月西流明日南風過洪去

畫鷹

文梁五色條秋高意氣豪怒張兩目直霄漢豈與短翮  
翔蓬蒿妖狐畫作猛虎哮騶虞并與神麟逃嗟爾飽食  
心空勞

寄題傅尊師兄弟所作寧壽道院

鍾榮之山千萬峰琵琶塵湖相疊重兩翁入谷起臺殿  
半夜空山聞鼓鐘猛虎如逢澗邊石飛龍却是雲間松

黃庭書罷人難見  
鴻寶披殘手自封  
度壑采芝隨鹿迹  
登厓望日躡雲蹤  
已知塵世惟堪笑  
不是神人定少逢  
辟穀有方桃更美  
園基無地橘相容  
但餘一念封人祝  
未與人間萬事慵

題曹將軍下槽馬圖

應制

曹霸畫馬真是馬  
宛頸相摩槽檻下  
卓犖權奇果如此  
豈有世上無知者  
朱絲不是凡馬韁  
天閑十二皆龍驤  
曾從天子平四方  
畫圖彷彿餘驪黃  
華山之陽春草長

番陽蕭性淵攜其祖將領所愛唐琴號霜鐘者  
還自和林求詩六月三日五門宣赦後作

嵩州昔有蕭將軍讀書學劍天下聞南隨龍馬渡江去  
尚有孤琴傳子孫孤琴云是唐人斲昔日軍中自行樂  
至今猶存殺伐聲一鼓哀風振寥廓將軍之孫才且良  
文能作賦武蹶張秦皇城下飲白馬祁連山中射白狼  
時平好文不好武抱琴却歎儒衣悞昭王臺上看青春  
彭郎磯頭夢歸路日長史館幽且閑正冠拂琴為我彈

京城六月日如火霜鐘半夜鳴空山南風自有虞廷操  
可惜同心不同調捐琴決眼望青天今日天門有新詔  
登祝融峰贈星上人

洞庭南桂嶺北衡山連延瀟湘黑中有祝融如髻鬟嵯  
峨七十二峰間祝融不自知千山萬山如迴環迴環面  
面芙蓉裏儼如天仙朝紫皇千官百辟遙相望半夜每  
瞻東海日六月常飛滿樹霜龍拏鳳攫熊虎擲雲生霧  
滅何時極我來正值太平時況有山僧似疇昔憑高一



覽四海空草間培塿安足雄盤盤羅漢臺翕翕炎帝宮  
復恐九天上視我如井中朔風日夜相騰戲谷老崖堅  
松柏禿古來鐵瓦盡飄揚山上至今猶板屋山僧勸我  
歌我歌徒自傷天下五岳嵩中央此山與我俱南疆我  
今三十始一見北望中原天更長

望葛市有懷故人盧子儀以附他舟不得上岸  
相見予往赴主一書院時盧實送予至長沙今  
經其里不一造門能無憾乎至樊口作

順流無風江更急歲暮歸人浩難繫所思只隔江上村  
亂樹參差不容入憶昨扁舟溯雲夢觸熱千里能相送  
我來悵望竟空還一樽知是何年共樊山蒼蒼赤壁暮  
武昌對岸黃州路連聲大笑櫓如飛回頭獨送孤雲去  
題邢先輩西壁山水圖

邢家蒼蒼西屋壁萬壑千峰動寒色大江忽轉天地迴  
浮雲孤飛日月白參差樓觀照林紅松檜淒迷起朔風  
崑崙蓬萊不可到赤城白帝遙相通賤子平生尚奇偉

南極衡湘北幽冀復從大駕卜灤京始接邢君多意氣  
君昔扈從戎馬間少壯不知行路難月明飲馬長城窟  
雪深射虎祁連山萬里歸來太平日坐我江山憂百失  
平明萬騎出天門又駕官車就行役

廬山連尊師求真陽詩久諾而未作也一夕夢  
中得之因書以贈

稽天之浸不可滅焦石之烈不可絕香爐峰頭按羽節  
滿山桃花滿湖月

大信晚泊呈舟中諸公

千家楊柳江當門東梁西梁兩岸蹲連檣大艦集日昏  
撻金伐鼓海上聞小江更出采石後前人立功後人守  
大信花采石酒陌上相逢莫回首

夢題墨梅

霜空冥冥江水暮江上梅花千萬樹無端折得一枝歸  
一雙蝴蝶相隨飛

黃潛

金華山贈同游者三十韻

杖藜初出城西門萬株紅葉如雲屯芙蓉峰前問行路  
宛宛一線隨潺湲水聲漸遠山漸近弱蘿纖葛手所捫  
須臾橫側變峰嶺高岸忽復為平原細泉瀏瀏竹竿直  
石樹駢立疑同根剝金敗碧逢廢刹猶以第一名其軒  
天明獨去弔遺跡玉女委蛻空丘墻樓居西起望明滅  
石扉呀若山之樊罅幽穴險徑沮洳膝行匍匐不得奔  
割觀崖广架寥泝雙龍遶雷蟠蜿蜿紛綸怪狀滿巖腹

熊虎踞伏鸞鳳騫其餘瑣細無不有形求象索難具言  
前趨林麓却下絕俯矚九地窮涯垠青枝翠羽不復辨  
但聽風水聲喧喧高燒松炬度其背珠箔忽隨華燈繁  
聳身上出指絕頂碧梧高下彌山園遙穿蓬艾蹋雲雨  
險艱從此不易論秋毫細路莫容足下瞰不測傍無藩  
怪藤如鈎草如劒舉首仰歎愁攀援山翁顧之笑引臂  
前牽後接猴與猿馳坑跨谷敔側過背汗喘息逾魚燔  
陰沈古洞閔星日雖有寒暑無朝昏却行左轉復深入

愈覺慄慄搖神魂珠纓縹緲現滿月稽首大士天人尊  
拂衣徑逐飛鳥下青山出沒波濤翻或云漢人隱身處  
彷彿肩背餘苔痕蛇蟠磬折又數里龕巖十丈開墉垣  
夜歸草堂殿突兀坐看雲月吐復吞怡然攜手盡文士  
頗覺筆下來源源名山石室如可託幸子歲晏來無諼

題李坦之詩卷

神仙中人世莫識政以文章為戲劇李生也復可憐人  
手種蟠桃待春色山空歲寒誰念汝青楓墮影霜露白

遠遊賦成一朝去翠蓋雲旗暮何適蓬萊煙霧秋冥冥  
鄧君白鹿無消息袖中驪珠三百顆夜深勿近蛟龍宅  
金華之山青矗天山人看山忘歲年黃精芝草幸可食  
安得與子巢其間石牀醉聽松風眠無為長歌怨如哭  
使汝惻愴凋朱顏

苔溪風雨中章德茂同泛

黑風翻江白雨傾檣鼓柁側斷人行此時惟我與章子  
孤舟蕩漾煙波裏蒹葭蒼蒼楊柳黃浩歌擊舷興彌長



翩然一葉恣掀舞青山白塔頻低昂朝過城南暮城北  
舟人問我將誰適章子掉頭作吳語秋水夜來深幾許  
忽看大字標竹林寺門對水仍陰陰敲門見竹不見人  
竹間翠石何蕭森迴舟少林雨如注四顧冥茫但煙霧  
魚驚龍躍吾不知披蓑却入菰蒲去岸傍群兒拍手呼  
笑言狂客世所無嗚呼古人今則無後來視我知何如  
為君留此有聲畫題作扁舟煙雨圖

陽山昱上人訪予吳門寓舍求為湘竹詩予辭

以未見竹上人不遠六十里自山中昇其竹而  
來謬好有如此者欣然為賦長句

道人來自陽山麓手攜舊種千竿竹小裁方斛不盈尺  
中有瀟湘江一曲未信天工能爾奇不知地脈從誰縮  
晴窓脩脩散煙霧眼底森然立羣玉豈期我乃累此君  
蒙犯風埃走塵俗故山方遠重愁絕新句未成慚迫促  
黃岡之產大中椽政用材美剡其腹願言保此終天年  
歲暮山中伴幽獨

題李氏白石山房

名山秀出鄱江曲上有立石如立玉尚書履聲忽已遠  
隱者新居住盤谷花開鳥鳴春晝永白雲重重養喬木  
夫君亦復稱其家有書能藏且能讀露鈔雪纂久愈富  
何啻鄴侯三萬軸山靈翕霍謹呵護夜半虹光發深屋  
引泉天井助芳潤大勝吳儂飲山淥我欲從之不可到  
細字長書俄滿幅毫分縷析極根柢大義森然見條目  
鄙人愧莫知所對叩請安得留更僕頗聞石洞闕遺音

龍門餘韻煩君續臨風傾詠寄綢繆衰朽終期挹膏馥  
題張清夫心遠堂

吾聞古來賢達士不擇山林與朝市百年塵甕兩醯雞  
鵬鷗逍遙俱可爾夫君平生瀟灑意俯視軒裳猶敝屣  
翩然一舸鱸魚鄉歸來不待秋風起忘言兀兀坐終日  
天地古今齊一指但見山高湖水深青螺蕩漾銀杯裏  
柴桑之人去我久風味何妨略相似神交冥漠雲海長  
目送歸鴻眇千里

杭州送兒姪歸里

空江月滿潮聲怒二兒勇踏潮頭去故園天末渺予懷  
夢中識汝歸時路起向江樓遙望汝江上青楓正霜露  
涼風颯颯吹汝急櫓搖背指龍山渡翩然一葉舞中流  
嗟汝童心得毋懼自我西遊歷三紀舉目交朋半新故  
下車相揖何紛紛白頭朝士猶徒步元都觀裏舊桃花  
見我重來能幾度緬思疇昔仍念汝徙倚闌干日將暮  
前潮將斷後潮續層波複浪無重數魚龍出沒相後先

疾雷槌山雨如注隔岸峰巒空復多沙際冥茫但煙霧  
計程知汝已登陸息肩弛擔今何處明朝過我三釜山  
能勿徘徊起哀慕近聞旱魃肆為虐殺我手植千株樹  
且須為我語比鄰莫遣牛羊上丘墓

題醉歌圖

翰林主人天上來布帆不為鱸魚開江湖渺渺天一色  
朝光暮靄相徘徊昔賢心賞餘勝處但有水竹無亭臺  
碑材久已沒荆棘履齒不復留莓苔後來視今猶視昔

今我不樂何為哉大官馬潼遠莫致鄰翁綠蟻浮新醅  
欣然一飲便終夕鼻端氣息如雲雷是間別有一天地  
不知何處為蓬萊迴觀方內海一粟醯雞塵甕何喧阗  
黃冠祕監太狂態騎鯨供奉非仙才揮毫政要真學士  
鋒車流水行相催瑤池曲宴多雨露歸與酌彼黃金壘

柳貫

出北城獨上秋屏閣望西山煙靄中漠無所見  
北江負城沙似磧帖岸微行誰所闢折旋殆類蟻沿封

漫漶猶如龍印迹風髮披披鞍兀兀去馬浮曦正相逆  
入門平步得高層身與危闌爭幾尺緇袍年少不嗔來  
拂掠胡牀趣敷席鈎簾意擬見西山雲亦何心故蒙羃  
我疑玉女畏迎將且懼詞鋒恣彈射豹藏惜此管中斑  
黛點羞渠眉上碧不然洪崖仙者過霧縠煙幘羅什百  
詎容左右覲昌丰祇許依微攬芳澤我時坐定深得之  
大小往來成一易青天白日豈嘗無好懷轉眼難尋繹  
祝融開面索新詩五老破顏愁惡劇我持一影行萬里



負舟而來山有力  
蹇華寧俟九春期  
繫匏未了三年客  
正須慰藉管城公  
重此提攜煩脫幘

與用章戴生同度淡竹嶺夜宿山家

一溪屢涉溪流淺  
廿里窮源臨絕巘  
雲間仄徑細如縈  
霜後枯菱齊若翦  
沙崩石爛阻危攀  
磴斷崖懸還斗轉  
已驚汗袂泣餘滋  
更擬班荆息微喘  
未昏斜照白波淪  
直下遙空青霧卷  
粵初川嶽各流形  
自是陰陽始昭辨  
誰開壑谷通片雲  
重為封圻制鉤鍵  
神工使解鑿崔嵬

世路何庸增連蹇舍車未免役孱軀  
搢策聊將收勝踐  
粉榆連蔭壯且衰  
嫻友關情行孰遣  
吾生已付一浮漚  
此足寧堪幾重趼  
暮投山館睡齁齁  
雨撼窓扉燈覓覓  
寒雞呼夢報詩成  
曠懷直為朋知展

載酒堂詩

并序

蘭溪州同知州事彭侯震卿為南寧軍判官日嘗  
訪得蘇文忠公載酒堂遺址築室肖像即修祠事  
朝野名勝往往形之賦詠予知侯有懷賢尚德之

心則夫宜人之政是不一書而已作載酒堂詩詞

曰

東坡先生如龍鳶世人疑其欲飛蟠九州四海不容足  
攝身徑去窺髦鬣南荒萬里儋耳國帝遣海若開奇觀  
潛淵挾得睡驪目思山夢見峨眉彎颶風惡浪吁可駭  
土芋脫粟纔供餐黎家兄弟好事者小酒初熟生微瀾  
邕童迎路吹蔥葉門東刺竹西牛闌扶攜歸去常半醉  
流落生存重一歡四黎善善君子類若比張蔡猶蕭蘭

天乎木鐸何望爾蠅之附驥渠非難誰尋雪跡到鴻爪  
正用載酒標堂顏百年文獻隨草莽庭階蕪沒井且眚  
風流別駕彭夫子未負進賢頭上冠是心尚德甚飢渴  
挈取舊物還祠官書銘小摘枕榔綠薦俎時羞荔子丹  
海邦夷俗雜蠅黽茲事信為風化端音聲固有合琴瑟  
嗜好果豈殊鹹酸竭來蘭陰語吾故緇衣三詠三長歎  
咄哉愷悌神所勞雲路矯首看扶搏

題高尚書藤紙畫雲林煙瘴圖

髯翁昔飲西湖淥滿意看山看不足醉拈官紙寫秋光  
割截五州雲一幅吾聞妙畫能通仙此紙度可支千年  
祇愁蓬萊失左股六鼇戴之飛上天

題瀛洲仙會圖

巨鼇驤首戴三山海波不驚坤軸安方壺負嶠彼何境  
靈氣布護非人間金銀觀闕勢如翥攢林珠樹垂珊珊  
棖題竦擢明河畔閣道橫截浮雲端仙人來往羽衛備  
或駕紫鳳騶青鸞霓裳法曲舞初破執樂瓊姬神采閑

時容下界攬薌澤却對連峰愁髻鬟茅龍飛去杳無迹  
烏駿兔走雙跳丸蓬萊舟近風引却却歎靈蹤難重攀  
是誰模寫枕前夢欲用鐫鑿區中頑神仙固多狡獪事  
世儒論著存不刪賈生賦鵬語夫道後有達者當大觀  
忽然為人化異物斯理幾何堪控搏仇池洞穴通小有  
神清玉宇標孱顏彼皆因境示生悟直啟真源湔垢癥  
嗟予質薄迫世隘輕舉便擬凌飛翰披圖愴怳縱元覽  
託乘浮游窺九關無窮八極冀一遇返道遂與松喬班

登年閱世要自致何必辛苦成金丹

御選元詩卷二十七



謹案第十三頁後五行老嫗具炊雙尾盆刊本具  
訛且據虞集道園學古錄改

第二十三頁後四行曩曾持節山之東按范梈德  
機集曾作承今仍刊本

第二十四頁前一行一别十年還又五昔者少壯  
今成翁刊本者訛并據范梈德機集改

第三十七頁前三行迴觀方內海一粟刊本方作  
宇海作同並據黃潛日損齋稿改





總校官庶吉士臣侍朝

校對官檢討臣蕭九成

謄錄監生臣朱文佐